

Hið sameinaða sveitarfélag skal taka yfir allt það land sem nú tilheyrir áðurgreindum premur sveitarfélögum.

Íbúar hinna þriggja sveitarfélaga skulu vera þegnar hins sameinaða sveitarfélags.

Eignir, skuldir, réttindi og skyldur sem tilheyra þessum þremur sveitarfélögum skulu falla til hins sameinaða sveitarfélags.

Skjöl og bókhaldsgögn allra sveitarfélaganna skulu afhent hinu sameinaða sveitarfélagi til varðveislu.

Sérstök athygli er vakin á eftirfarandi:

Kosning sveitarstjórnar hins sameinaða sveitarfélags skal fara fram þann 25. maí 2002, sbr. 96. gr. sveitarstjórnarlaga nr. 45/1998.

Kjósa skal níu fulltrúa í sveitarstjórn hins sameinaða sveitarfélags, sbr. 1. mgr. 12. gr. sveitarstjórnarlaga nr. 45/1998.

Sveitarstjórnirnar þrjár kjósa sameiginlega þrjá fulltrúa í yfirkjörstjórn og þrjá til vara. Kjörstjórnir þær sem kosnar voru í upphafi yfirstandandi kjörtímabils skv. 14. gr. laga um kosningar til sveitarstjórna, nr. 5/1998, skulu vera undirkjörstjórnir við kosningarnar.

Samhliða sveitarstjórnarkosningum verður gerð skoðanakönnun um nafn hins sameinaða sveitarfélags samkvæmt tillögum samstarfsnefndar sem áður skal auglýsa eftir hugmyndum að nafni. Nafn hins sameinaða sveitarfélags verður auglýst sérstaklega.

Félagsmálaráðuneytinu, 27. mars 2002.

F. h. r.

Hermann Sæmundsson.

Guðjón Bragason.

REGLUR

um breytingu (9) á reglum fyrir Háskóla Íslands nr. 458/2000.

1. gr.

Aftan við 1. mgr. 94. gr. reglnanna í XIII. kafla um viðskipta- og hagfræðideild bætist nýr málslíður svohljóðandi:

Til M.A.-prófs í viðskiptafræði og í hagfræði og í skyldum greinum.

2. gr.

Þriðji og fjórði málslíður 3. mgr. 94. gr. reglnanna breytast og verða svohljóðandi:

Til M.S./M.A.-prófs er krafist 45 eininga hið minnsta. Nánari reglur um M.S./M.A.-nám, en fram koma í þessum kafla skulu staðfestar af háskólaráði sbr. ákvæði 68. gr. þessara reglna.

3. gr.

Heiti 97. gr. reglnanna breytist og verður svohljóðandi:

M.S.- og M.A.-nám.

Aftan við 97. gr. reglnanna bætist ný málsgrein svohljóðandi:

Skipan M.A.-námsins miðast við þrjú misseri. Nám til M.A.-prófs er 45 einingar hið minnsta, þar af eru 30 einingar í námskeiðum og 15 eininga ritgerð. Nemendur sem vilja ljúka 60 eininga M.A.-prófi eiga kost á 30 eininga ritgerð eða geta óskað eftir heimild til að ljúka 45 einingum í námskeiðum. Skorir setja nánari reglur um inntökuskilyrði, námsleiðir og námskröfur.

4. gr.

Priðji málsliður 2. mgr. 99. gr. reglnanna breytist og verður svohljóðandi:
Ritgerð í M.S./M.A.-námi vegur 15 eða 30 einingar.

5. gr.

Lokamálsliður 2. mgr. 99. gr. reglnanna breytist og verður svohljóðandi:
Umsjónarkennari og prófdómari gefa einkunn fyrir M.S./M.A.-ritgerðir.
Þá breytist fyrsti málsliður 5. mgr. 100. gr. reglnanna og verður svohljóðandi:
Stúdent í námi til M.S./M.A.-prófs skal hafa lokið prófi eigi síðar en þremur árum eftir skráningu í námið.

6. gr.

Reglur þessar, sem háskólaráð hefur sett á grundvelli laga um Háskóla Íslands nr. 41/1999, öðlast þegar gildi.

Háskóla Íslands, 17. apríl 2002.

Páll Skúlason.

Þórður Kristinsson.

AUGLÝSING

um staðfestingu félagsmálaráðuneytisins á sameiningu Hólmavíkurhrepps og Kirkjubólshrepps.

Með vísan til 6. gr. sveitarstjórnarlaga, nr. 45/1998, tilkynnir ráðuneytið að það hefur hinn 17. apríl 2002 staðfest sameiningu Hólmavíkurhrepps og Kirkjubólshrepps, í umdæmi sýslumannsins á Hólmavík, í eitt sveitarfélag, í samræmi við tillögur nefndar sem skipuð var á grundvelli 89. gr. sömu laga og að fenginni umsögn sveitarstjórna viðkomandi sveitarfélaga.

Jafnframt hefur eftirfarandi verið ákveðið:

Sameining framangreindra sveitarfélaga í eitt sveitarfélag skal taka gildi 9. júní 2002.

Hið nýja sveitarfélag skal taka yfir allt það land sem nú tilheyrir áðurgreindum sveitarfélögum.

Íbúar sveitarfélaganna tveggja skulu vera þegnar hins sameinaða sveitarfélags.

Eignir, skuldir, réttindi og skyldur sem tilheyra sveitarfélögunum tveimur skulu falla til hins sameinaða sveitarfélags.

Skjöl og bókhaldsgögn beggja sveitarfélaga skulu afhent hinu sameinaða sveitarfélagi til varðveislu.

Sérstök athygli er vakin á eftirfarandi:

Kosið verður til sveitarstjórnar hins sameinaða sveitarfélags 25. maí 2002, sbr. ákvæði laga um kosningar til sveitarstjórna, nr. 5/1998.

Kjósa skal fimm fulltrúa í sveitarstjórn hins nýja sveitarfélags, sbr. 1. mgr. 12. gr. sveitarstjórnarlaga, nr. 45/1998.